

ein krat / vñ ein halbē gran sylbers / ein gran kupffers: die vier vñ zwēzigste / ist auß 22 krat goldts / ein krat vñ ein halbē gran / vñ ein grenlin sylbers / ein gran vñ zwey grenlin kupffers: die fünff vñ zwēzigste / ist auß 23 krat goldts / anderthalbē gran / vñ ein grenlin sylbers / zwey grenlin kupffers: die sechs vñ zwēzigste / ist auß 23 krat goldts / anderthalb gran sylbers / ein halbē gran kupffers: die sieben vñ zwēzigste / ist auß 23 krat goldts / ein gran / vñ zwey grenlin sylbers / ein halbē gran / vñ ein grenlin kupffers: die acht vñ zwēzigste / ist auß feine goldt. Tuhn so get das vierdt geschlecht der streichnaden mit welche wir die sylbern pfennig / die kupffer in sich halten / oder kupffer pfennig / die sylber haltendt probierendt. Die marck aber / damit wir das sylber weigede / wirt zwifach geteilt / dan es wirt eintweder zwölffmalen in fünff quintelin vñ ein scrupel / das ist ein drittel eins quintlins / welches gwicht der gemeine man pfennig nennet / welcher ein jedes wirt widerüb in 24 gren zerteilen / welche 8 gemein man auch grenlin heisset / od sechzehen loht / welche sie lothones nennēdt. Welcher ein jedes widerumb geteilt wirt / eintweder in achzē grenlin / oder sechszehen loht / vnder welchen wie ein jedes in vier quintlin geteilt wirdt / also auch wirt ein jedes quintlin in vier pfennig geteilt. Nach beides teil der marck werde die streichnaden gmachtet / nach der ersten zür zal der 24 hellern / nach der anderen aber / zür zal der halben lohten / deren seindt ein vñ dreissig. Dan wañ sie gmachtet wurden zür zal der minderen gwichten / so wurde widerumb die zal 8 streichnaden sehr groß / vñ auß inen würdē viel / von wegen daß sie wenig sylbers / oder kupffers halten / vns nichts anzeigendt / mit beiden probierendt wir die zeulin vñ münz / die auß sylber vñ kupffer vermischet seindt. Der andere streichnaden hatt es dise gestalt. Die erste wirt auß drei vñ zwēzig teil des kupffers / vñ ein teil des sylbers gmachtet. Derhalben welches zeulin oder pfennig / dem goldstein angestrichen / den selbigen also ferbet / wie die streichnaden / in dē selbigen ist das vier vñ zwēzig teil sylbers / vñ auß dise weise / nach dem teil des sylbers / ist auch vom kupffer / so es übertriffet / zū vnteilen. Die andere streichnadel wirdt auß 22 teilen des kupffers / vñ zwey teilen des sylbers gmachtet: die dritte auß 21 teilen kupffers / vñ drey teilen sylbers: die vierdte / auß 20 teilen kupffers / vñ vier teilen sylbers: die fünfte / auß 19 teilen kupffers / vñ fünff teilen sylbers: die sechste / auß 18 teilen kupffers vñ sechs teilen sylbers: die siebende / auß 17 teilen kupffers / vñ sieben teilen sylbers: die achte / auß 16 teilen kupffers / vñ acht teilen sylbers: die neunde auß 15 teilen kupffers / vñ neun teilen sylbers: die zehende / auß 14 teilen kupffers / vñ zehē teilen sylbers: die eilffte / auß 13 teilen kupffers / vñ eilff teilen sylbers: die zwölffte / auß zwölff teilē kupffers / vñ so viel teilen sylbers: die dreizehende / auß eilff teilen kupffers / vñ dreizehen teilen sylbers: die vierzehende auß zehen teilen kupffers / vñ vierzehen teilen sylbers: die fünffzehende / auß neun teilen kupffers / vñ fünffzehen teilen sylbers: die sechszehende / auß acht teilē kupffers / vñ sechszehen teilen sylbers: die siebenzehende / auß sieben teilen kupffers / vñ siebenzehen teilen sylbers: die achzehende / auß sechs teilen kupffers / vñ achzehen teilē sylbers: die neundtzehende / auß fünff teilen kupffers / vñ neunzehen teilen sylbers: die zwēzigste auß vier teilen kupffers / vñ zwēzig teil sylbers: die ein vñ zwēzigste / wirt auß dreien teilen kupffers / vñ ein vñ zwēzig teilen sylbers: die zwey vñ zwēzigste / ist auß zweyen teilen kupffers / vñ zwey vñ zwēzig teilen sylbers: die drei vñ zwēzigste / auß einem teil kupffers / vñ drey vñ zwēzig teilen sylbers: die vier vñ zwēzigste / ist auß feinem goldt. Mitt den anderen streichnaden aber hatt es dise gestalt. Die erste wirt auß 15 loht kupffers gmacht / vñ ein loht sylbers: die andere auß 14 loht vñ ein halbē loht kupffers / vñ anderthalb loht sylbers: die dritte / auß 14 loht kupffers / vñ 2 loht sylbers: die vierdte / auß 13 loht / vñ einhalb loht kupffers / vñ 2 loht vñ ein halb loht sylbers: die fünfte / auß 12 loht kupffers vñ drey loht sylbers: die sechste / auß zwölff loht vñ ein halbs